

formanti. Corpus peraltum et crassum. Antennæ sat breves. Pedes 1mi paris robustissimi; manu vix subcheliformi. Pedes saltatorii brevissimi et crassi."

Gen. XIII. *Orchomene*. "Hypostomum prominens, cassiforme. Mandibulæ longæ, angustæ; palpo profundius quam tuberculo molari prominenti affixo. Maxillæ 1mi paris lamina interiore prælongata, angusta, infra in apice setas duas plumosas gerenti; palpo in apice dentibus multis, minutis instructo. Maxillæ 2di paris laminis perlongis et perangustis; exteriore paulo longiore et angustiore quam interiore. Pedes maxillares lamina exteriore ultra finem articuli palpi 2di porrecta; articulo palpi 1mo magno. Corpus sat altum. Epimerum 5tum altius quam latius. Angulus inferior posticus lateralis segmenti post-abdominis 3tii non sursum productus et curvatus. Antennæ inferiores articulo pedunculi 3tio prælongato, angusto. Pedes 1mi paris brevissimi, robusti; manu quadrangulari, longitudinem carpi triangularis superanti. Pedes 2di paris manu in angulo inferiore postice producta. Appendix caudalis brevissima, in apice parum fissa, non ad finem pedunculi pedum saltatoriorum ultimarum porrecta."

Gen. XIV. *Tryphosa*. "Hypostomum plus minusve prominens. Mandibulæ palpo gracili fere in eadem altitudine ac tuberculo molari affixo; articulo palpi 3tio brevi. Maxillæ 1mi paris lamina interiore ovata, in apice setas duas plumosas gerenti; palpo in apice dentibus nonnullis obtusis instructo. Maxillæ 2di paris laminis haud valde prælongatis. Pedes maxillares lamina exteriore lata, ovata, in margine interiore nodis multis, in apice spinis duobus armata, ultra finem articuli palpi 2di porrecta. Pedes 1mi paris elongati. Appendix caudalis prælongata, ultra finem articuli ultimi pedum saltatoriorum porrecta."

Genus XV. *Normania*. "Mandibulæ palpo gracillimo, elongato. Maxillæ 1mi paris palpo latissimo, ovato; lamina interiore angusta, non vero prælongata, setas duas plumosas gerenti. Maxillæ 2di paris laminis angustis, non vero longis. Pedes maxillares lamina exteriore latissima, in margine spinis paucis gracilibus instructa; lamina interiore prælongata, angusta; palpo multo brevior quam lamina exteriore, triarticulato; articulo palpi 4to absenti. Antennæ superiores breves, non crassi. Antennæ inferiores breves; segmento pedunculi 1mo inflato et extus visibili. Pedes 1mi paris manu magnopere inflata, lata, valde subcheliformi. Pedes 2di paris elongati. Pedes saltatorii elongati. Appendix caudalis perbrevis, lata, non fissa."

Subfam. II. Pontoporeinæ. Gen. II. *Priscilla*. "Epimera anteriora quatuor rigida, longa, attenuata, in apice setis longis plumosis instructa. Pedes 1mi et 2di paris inter se eadem fere forma; manu parva, subcheliformi instructi. Pedes 3tii et 4ti paris robusti; articulo ultimo serie setarum validarum instructo. Pedes 5ti et 6ti paris articulo 1mo perrigido, parum dilatato, in angulo superiore producto. Pedes 7mi paris articulo 1mo valido, clipeoformi, dilatato; articulo 5to in apice spinis multis, rigidis armato. Pedes saltatorii ultimi paris ramo interiore parvulo. Appendix caudalis latissima, insinuata modo, non fissa."

Gen. III. *Argissa*. "Antennæ superiores inferioribus multo breviores. Epimerum 1mum magnum, in margine inferiore rotundatum. Epimera cætera magnitudine valde decrescentia; epimerum 3tium parvulum, sed 4tum pergrande, clipeoforme. Pedes 1mi et 2di paris inter se eadem forma, sed infirmi; manu subcheliformi. Pedes 3tii et 4ti paris ungue minimo. Pedes 5ti et 6ti paris articulo 1mo postice sat dilatato; ungvibus parvulis. Pedes 7mi paris articulo 1mo pergrandi, clipeoformi; ungue parvo. Pedes saltatorii ultimi paris ramis universis inter se fere eadem longitudine. Appendix caudalis elongata, usque ad basin fissa."

Subfam. III. Stegocephalinæ. Gen. II. *Andania*. "Mandibulæ in apice non aut minime modo dentatæ; mala interiore mandibulæ sinistrae item minima. Maxillæ 1mi paris palpo elongato, lato, 2articulato. Maxillæ 2di paris lamina exteriore multo brevior quam interiore et parum modo angustior quam longa. Appendix caudalis integra, minima."